

Gegen Abend hat man die auffgeschlagene Bühn vber vnd vber/so woln auff den Seiten / auch gegen dem Rathhauß etliche Sten hoch/ mit schwarzem Tuch vberzogen/ vnnnd als es auff der Böhmischen Uhr 24. geschlagen/ hat man alle verurtheilte Personen vom Schloß / auff acht Gutschen / herunter in die Alte Stadt gebracht/ vnd sie mit zwey Cornet Reutern/ vnd ein Fähnlein Fußvolck begleitet / Desgleichen ist auch mit den Newstädter Gefangenen hernach geschehen / vnnnd haben in dieser Nacht alle Compagnien Reuter vnd Fußvolck / auff unterschiedlichen Plätzen zu Prag/ die Wacht halten müssen. Die Verurtheilten aber/ haben selbige ganze Nacht / biß des Montags frühe die Execution ergangen/ mit inbrünstigem herrlichen Gebet vnnnd singen/ ganz Christlich vollendet vnd zugebracht.

Montags den 11. (21.) Junii zu frühe/ als es der Teutschen Uhr nach vor 5. gewesen / hat man zu Prag am Himmel zween schöne Regenbogen / so Kreuzweise vber einander geschrenckt gewesen/ gesehen/ was solche bedeuten/ ist Gott bekandt/ allein wirdt davon unterschiedlich discurrirt vnd judicirt, vnd haben vmb selbige zeit / wie auch die ganze Nacht/ vnnnd so lang die hernach gesfolgte Execution gewäret/ zwey Cornet Reuter/ vnd drey Fähnlein Fußvolck auff dem Ring bey dem Rathhauß gehalten/ Vnd als die Glocken fünfft geschlagen / ist auff dem Schloß auß einem grossen Geschütz ein Lösungsschuß geschehen/ darauff alsobalden alle Pforten / wie auch das Brückenthor zugesperret / vnnnd der Schussgatter herab gelassen: Auch die Execution vor die Hand genommen worden.

Auff dem Althan/ neben dem auffgerichteten Theatro, sind die Keyserl: Richter / sampt dem Altstädter Rath gefessen / die drey Stadtrichter aber haben hernacher einen nach dem andern zur Wahlstat auff die Bühne begleitet/ daselbsthin hat ein verkappter Herendiener ein Crucifix gesteckt/ darbey die verurtheilten auff ein schwarzes Tuch nidergefriet/ vnd sie auffgelegte Lebensstraff mit

W ij

grosser